



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama (08-02-2-1826-1/2019 od 14.05.2019. godine), na preporuku Komisije za javne nabavke od 31.01.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

O D L U K U **o izboru najpovoljnijeg ponuđača**

Član 1.

(Predmet odluke)

Ugovor o nabavci usluga, LOT 2 - Pristup internetu za potrebe rezervnog data centra Visokog sudskog i tužilačkog vijeća Bosne i Hercegovine u Banja Luci, dodjeljuje se ponuđaču **Blicnet d.o.o. Banja Luka** za ponuđenu ukupnu vrijednost 5.982,84 KM bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i konkurentskom zahtjevu.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u konkurentskom zahtjevu.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-2-13-3-25/24 od 10.01.2024. godine. Primljene su ponude ponuđača: Blicnet d.o.o. Banja Luka i Mtel a.d. Banja Luka.

Komisija za nabavke imenovana Rješenjem broj 05-16-4-4346-1/23 od 26.12.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-160-21/24 od 01.02.2024. godine (u daljem tekstu: Zapisnik) je u prilogu ove odluke).

Ponuda ponuđača Mtel a.d. Banja Luka se ocjenjuje neprihvatljivom budući da ponuđena cijena prelazi planirana, odnosno osigurana novčana sredstava, a u skladu sa član 2. stav (1) tačka l) podtačka 2) Zakona o javnim nabavkama.

Mtel a.d. Banja Luka je dostavio ponudu na iznos 5.983,80 KM bez PDV-a, dok je VSTV BiH za LOT 2 - Usluge pristupa internetu za potrebe rezervnog data centra Visokog sudskog i tužilačkog vijeća Bosne i Hercegovine u Banja Luci, planirao iznos od 5.982,91 KM bez PDV-a.

S obzirom da cijena ponude prelazi planirana novčana sredstva, ponuda ponuđača Mtel a.d. Banja Luka je ocijenjena neprihvatljivom.

Ponuda ponuđača Blicnet d.o.o. Banja Luka je ocijenjena kao prihvatljiva, budući da je u skladu sa uslovima iz konkurentskog zahtjeva broj: 05-16-4-160-2/24 od 10.01.2024. godine (u daljem tekstu: Zahtjev) i u okviru budžeta planiranog za predmetnu nabavku.

Ugovorni organ je Zahtjevom predvidio primjenu e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je primljena samo jedna prihvatljiva ponuda, e-Aukcija nije zakazana, a u skladu sa članom 4. stav (2) navedenog Pravilnika..

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **Blicnet d.o.o. Banja Luka**.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-160-23/24

Datum: 01.02.2024. godine

Dostavljeno:

- Ponuđačima,
- Odjelu za finansije i računovodstvo,
- a/a.

Direktor Sekretarijata
Admir Suljagić

